



CYDWEITHREDFA GWELLA GWASANAETHAU
GOFAL A LLESIANT **GOGLEDD CYMRU**

NORTH WALES SOCIAL CARE AND WELL-BEING
SERVICES IMPROVEMENT COLLABORATIVE

BWRDD PARTNERIAETH RHANBARTHOL GOGLEDD CYMRU - Gwybodaeth i Ofalwyr/Cynrychiolwyr Defnyddwyr Gwasanaeth

1. CEFNDIR

- 1.1 Mae Byrddau Rhanbarthol yn ofyniad deddfwriaethol o dan Ddeddf Gwasanaethau Cymdeithasol a Llesiant (Cymru) 2014 (Rhan 9) a Rheoliadau Trefniadau Partneriaeth (Cymru) 2015.
- 1.2 Mae'r rheoliadau a nodir gan Lywodraeth Cymru yn sefydlu prif ofynion, diben a chyfrifoldebau'r Bwrdd Partneriaeth Rhanbarthol.

2. DIBEN

- 2.1 Bydd y Bwrdd yn rhoi cyngor ac arweiniad strategol; yn gefnogol ac yn galluogi tra hefyd yn herio'n adeiladol, yn benodol mewn perthynas ag:
 - Ymateb i asesiad poblogaeth yn unol ag adran 14 o'r Ddeddf;
 - Gweithredu'r cynlluniau ar gyfer pob un o ardaloedd yr awdurdodau lleol a gwmpesir gan y Bwrdd o dan adran 14A o'r Ddeddf;
 - Sicrhau bod y cyrff partneriaeth yn darparu digon o adnoddau ar gyfer y trefniadau partneriaeth yn unol â'u pwerau o dan adran 167 o'r Ddeddf;
 - Hyrwyddo sefydlu cronfeydd cyfun lle bo hynny'n briodol;
 - Sicrhau bod gwasanaethau ac adnoddau yn cael eu defnyddio yn y ffordd fwyaf effeithiol ac effeithlon i wella canlyniadau i bobl yn eu rhanbarth;
 - Paratoi adroddiad blynyddol i Weinidogion Cymru ar y graddau y mae amcanion y bwrdd wedi cael eu cyflawni;
 - Darparu arweiniad strategol i sicrhau bod gwybodaeth yn cael ei rhannu a'i defnyddio'n effeithiol i wella darpariaeth gwasanaethau, gofal a chymorth, gan ddefnyddio technoleg a systemau cyffredin i fod yn sail i hyn
- 2.2 Bydd y Bwrdd Rhanbarthol yn rhoi blaenoriaeth i integreiddio gwasanaethau mewn perthynas â:
 - Pobl hŷn sydd ag anghenion cymhleth a chyflyrau tymor hir, gan gynnwys dementia;
 - Pobl ag anableddau dysgu;

- Gofalwyr, gan gynnwys gofalwyr ifanc;
- Gwasanaethau Cefnogaeth Integredig i Deuluoedd;
- Plant ag anghenion cymhleth oherwydd anabledd neu salwch.

CYFRIFOLDEBAU GOFALWYR A DEFNYDDWYR GWASANAETH SY’N AELODAU

7.1 Mae cyfrifoldebau’n cynnwys;

- Darparu safbwynt Defnyddiwr Gwasanaeth neu Ofalwyr ar fusnes y Bwrdd Partneriaeth Rhanbarthol (BPRh)
- Cyfrannu at drafodaethau sy'n cael eu cynnal yn ystod cyfarfodydd y BPRh, yn seiliedig ar eich profiad eich hun fel defnyddiwr gwasanaeth neu ofalwr
- Paratoi ar gyfer cyfarfodydd BPRh drwy ddarllen y rhaglen a'r papurau ymlaen llaw a chodi unrhyw faterion ar gyfer eglurhad gyda'r Cadeirydd neu'r Pennaeth Cydweithredu Rhanbarthol
- Cynnal cyfrinachedd papurau rhaglen, trafodaeth a phenderfyniadau a wnaed
- Mynychu cyfarfodydd BPRh
- Gwneud yn siŵr eich bod yn deall blaenoriaethau ac amcanion y BPRh a'u cyfleu i eraill fel sy'n ofynnol
- Darparu cyswllt rhwng y BPRh a defnyddwyr gwasanaeth/gofalwyr eraill fel bo'r angen

Tymor

Dwy Flynedd

Amllder y cyfarfodydd

Misol ar hyn o bryd.



CYDWEITHREDFA GWELLA GWASANAETHAU
GOFAL A LLESIANT **GOGLEDD CYMRU**
NORTH WALES SOCIAL CARE AND WELL-BEING
SERVICES IMPROVEMENT COLLABORATIVE

Bwrdd Partneriaeth Rhanbarthol Gogledd Cymru

DISGRIFIAD CYFRANOGIAD AR GYFER AELODAU BWRDD UNIGOL A GOFALWYR

PENODIAD: Aelod Bwrdd Unigol a Gofalwyr, Bwrdd Partneriaeth Rhanbarthol Gogledd Cymru

YN ATEBOL I'R: Bwrdd Partneriaeth Rhanbarthol Gogledd Cymru

YN GWEITHIO GYDAG: Aelodau'r Bwrdd Partneriaeth Rhanbarthol, Rhwydweithiau Trydydd Sector Lleol, grwpiau unigol a gofalwyr, partneriaid statudol.

AD-DALU Ar hyn o bryd sail wirfoddol gydag ad-daliad llawn o'r treuliau rhesymol

TYMOR PENODI Dwy flynedd

YMRWYMIAD AMSER Oddeutu 1 diwrnod y mis

Rôl Bwrdd Partneriaeth Rhanbarthol Lleol Gogledd Cymru

Mae Bwrdd Partneriaeth Rhanbarthol Gogledd Cymru yn darparu arweinyddiaeth i wneud penderfyniadau, canllawiau, dylanwadu a chefnogi i sicrhau darpariaeth lwyddiannus y Gwasanaethau Iechyd a Gofal i Bobl yng Ngogledd Cymru.

Rôl yr Aelod Bwrdd Partneriaeth Unigol a Gofalwyr

Mae Aelodaeth Bwrdd Partneriaeth Rhanbarthol Gogledd Cymru ar gyfer unigolion a gofalwyr yn darparu llais ar gyfer pobl o bob oed sydd mewn cysylltiad â gwasanaethau iechyd a gofal cymdeithasol. Bydd yr aelodau sy'n cael eu dewis i gynrychioli pobl yn cael eu recriwtio a'u penodi drwy lenwi ffurflen datgan diddordeb. Ar ôl y dyddiad cau, ar yr amod bod y manylion am yr unigolyn wedi'i lenwi'n briodol ac yn diwallu'r gofynion cyffredinol ar gyfer yr aelodaeth, bydd pobl yn cael gwahoddiad i fynychu cyfarfod dethol cyfoedion am hanner diwrnod o drafodaeth / dethol. Bydd pawb yn cael cyfle i gwrdd â'i gilydd, trafod y rôl a'r gofynion a dewis pedwar person, dau aelod a dau aelod sy'n eilyddion fydd yn eu cynrychioli ar Fwrdd Partneriaeth Rhanbarthol Gogledd Cymru. Bydd y rhain yn cael eu hannog i fynychu fforymau ymgysylltu eraill hefyd.

Mae angen i'r broses ddethol ar gyfer unigolion sy'n cymryd rhan ym Mwrdd Partneriaeth Rhanbarthol Gogledd Cymru sicrhau fod y pedwar sy'n cael eu dewis yn cynrychioli'r amrywiaeth o'r rhai sydd â phrofiad neu wedi bod mewn cysylltiad â gwasanaethau iechyd a / neu ofal cymdeithasol yng Ngogledd Cymru.

Bydd pobl yn derbyn y gefnogaeth briodol i fod yn aelodau gweithredol llawn o'r Bartneriaeth. Bydd papurau'n cael eu dosbarthu gyda digon o amser i ddeall a dehongli'r wybodaeth. Bydd dogfennau'n glir a hygyrch, gan osgoi'r defnydd o acronymau neu jargon. Bydd gwybodaeth yn cael ei dosbarthu i bobl mewn ffyrdd a fformatau sydd orau ar eu cyfer.

Sgiliau Personol

Bydd y meini prawf hyn yn cael eu hasesu yn ystod y broses ymgeisio a'r broses ddethol cyfoedion

MEINI PRAWF	H= Hanfodol D=Dymunol	Datganiad Diddordeb / Proses Recriwtio
Unigolyn mewn cysylltiad â gwasanaethau iechyd a gofal cymdeithasol a ddarperir yng Ngogledd Cymru	H	Datganiad Diddordeb
Gofalwr unigolyn sydd wedi defnyddio gwasanaethau iechyd a /neu wasanaethau cymdeithasol a ddarperir yng Ngogledd Cymru	H	Datganiad Diddordeb
Parodrwydd i sefydlu cysylltiadau cryf gyda grwpiau /fforymau lleol sy'n gysylltiedig â'r gwasanaethau iechyd a'r gwasanaethau cymdeithasol	H	Datganiad Diddordeb / Proses Ddethol Cyfoedion
Gallu diwallu ymrwymiad amser rheolaidd i gyfranogi at y Bwrdd Partneriaeth Rhanbarthol	H	Datganiad Diddordeb
Gallu a sgiliau i hyrwyddo safbwyntiau unigolion a gofalwyr ac i adlewyrchu eu safbwyntiau. Dealltwriaeth o "Gynrychiolaeth".	H	Datganiad Diddordeb / Proses Ddethol Cyfoedion
Y gallu i weithio ar ben eich hun a/ neu fel rhan o dîm mewn partneriaeth	H	Datganiad Diddordeb
Bod yn ymwybodol o ddeddfwriaeth, polisiau ac arferion iechyd a gofal cymdeithasol cenedlaethol a lleol	H	Datganiad Diddordeb / Proses Ddethol Cyfoedion
Sgiliau cyfathrebu da ar bob lefel a thrwy amrywiaeth o gyfryngau	H	Datganiad Diddordeb / Proses Ddethol Cyfoedion
Gallu bod yn bendant pan fo'r angen	H	Proses Ddethol Cyfoedion
Gallu herio, mewn dull adeiladol	H	Proses Ddethol Cyfoedion
Yn hyblyg ac yn gallu addasu	H	Datganiad Diddordeb Proses Ddethol Cyfoedion
Sgiliau TG neu barodrwydd i ddysgu	D	Datganiad Diddordeb
Gallu siarad Cymraeg	D	Datganiad Diddordeb / Proses Ddethol Cyfoedion